

ხელშეკრულება №SPA170005357/73
სახელმწიფო შესყიდვის შესახებ

ქ. თბილისი

2017 წლის 2 მაისი

ერთი მხრივ, სსიპ „საქართველოს ფინანსთა სამინისტროს მომსახურების სააგენტო“ (შემდგომში „შემსყიდველი“), წარმოდგენილი მისი გენერალური დირექტორის მოვალეობის შემსრულებლის გიორგი ბრეგვაძის სახით და

მეორე მხრივ, შპს „დეზინფექციის, დეზინსექციის, დერატიზაციისა და სტერილიზაციის სპეციალიზირებული ეპიდზედამშედველობის ცენტრი“ (შემდგომში „მიმწოდებელი“) წარმოდგენილი მისი დირექტორის ეკატერინე ნონიაშვილის სახით,

„სახელმწიფო შესყიდვების შესახებ“ საქართველოს კანონის და მიმწოდებლის სატენდერო წინადადების საფუძველზე, გამარტივებული ელექტრონული ტენდერის (**SPA170005357**) ჩატარების შედეგად აფორმებენ სახელმწიფო შესყიდვის შესახებ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და გამარტივებულ ელექტრონულ ტენდერში გამარჯვებულ პრეტენდეტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე მთელი დოკუმენტაციით, რომლებზეც ხელშეკრულებაში არის მინიჭებები
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელმაც მოიპოვა გამარჯვება გამარტივებულ ელექტრონულ ტენდერში და ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული შესყიდვის ობიექტი.
- 1.7 „ტექნიკური დავალება“ – სატენდერო დოკუმენტაციის ტექნიკური დავალება, რომელიც ხელშეკრულების განუყოფელი ნაწილია.

2. შესყიდვის ობიექტი

- 2.1. შესყიდვის ობიექტს წარმოადგენს: დერატიზაციის, დეზინსექციის, ქვეწარმავლების საწინააღმდეგო ღონისძიებების და ტერიტორიის გათბისვის (ბალახოვანი მცენარეებისგან) მომსახურების შესყიდვა - CPV90900000; CPV90910000; CPV 90921000; CPV90922000; CPV90923000 (შემდგომში „მომსახურება“).
- 2.2. შესყიდვის ობიექტის დეტალური აღწერა და რაოდენობა მოცემულია ტექნიკურ დავალებაში, რომელიც ხელშეკრულების განუყოფელი ნაწილია.

3. ხელშეკრულების ღირებულება

- 3.1 ხელშეკრულების ჯამური ღირებულება დღგ-ს გარეშე შეადგენს 3699,98 (სამიათასექვსასოთხმოცდაცხრამეტი ლარი და 98 თეთრი) ლარს (სახელშეკრულებო თანხა ციფრობრივად, სიტყვიერად).
- 3.2 შესყიდვის ობიექტის დასახელება, ერთეულის ფასი, რაოდენობა და საერთო ღირებულება მოცემულია დანართში, რომელიც წინამდებარე ხელშეკრულების განუყოფელი ნაწილია.

4. მიწოდების პირობები და ადგილი

- 4.1. ხელშეკრულებით გათვალისწინებული შესყიდვის ობიექტის მიწოდება ხორციელდება ხელშეკრულების გაფორმებიდან ეტაპობრივად, 2017 წლის ნოემბრის თვის ჩათვლით (მომსახურების მიწოდების გეგმა-გრაფიკი შემსყიდველთან შეთანხმებით).
- 4.2. ხელშეკრულებით გათვალისწინებული მომსახურების მიწოდების ადგილია:
 - ქ. თბილისი, გ. გულუას ქ№4, სსიპ საქართველოს ფინანსთა სამინისტროს მომსახურების სააგენტო;
 - ქ. თბილისი, მუხიანის დასახლება, სსიპ ფინანსთა სამინისტროს მომსახურების სააგენტოს სასაწყობო მეურნეობა ბაზა#2;
 - ქ. ახალციხე, 9 აპრილის ქუჩის მიმდებარე ტერიტორიაზე მდებარე სსიპ ფინანსთა სამინისტროს მომსახურების სააგენტოს სასაწყობო მეურნეობა;

- ქ. სამტრედია, დ. აღმაშენებლის გამზირი მე-6 ჩიხი სსიპ საქართველოს ფინანსთა სამინისტროს მომსახურების სააგენტოს სასაწყობო მეურნეობა.
- 4.3. შესყიდვის ობიექტთან დაკავშირებული მასალები უნდა იყოს ახალი, მაღალი ხარისხის და არ უნდა ავლენდეს დეფექტს, უნდა შეესაბამებოდეს შემსყიდველის მოთხოვნებს,
- 4.4. მომწოდებლის მიერ დერატიზაციისთვის, დეზინსექციისთვის და ქვეწარმავლების საწინააღმდეგო ღონისძიებებისთვის გამოყენებული პრეპარატები უნდა იყოს საქართველოში აკრედიტებული და შეესაბამებოდეს საქართველოს მოქმედი კანონმდებლობით გათვალისწინებულ მოთხოვნებს.

5. მხარეთა უფლება-ვალდებულებები

5.1 შემსყიდველს უფლება აქვს :

- 5.1.1 შეამოწმოს შესყიდვის ობიექტის მახასიათებლების შესაბამისობა ხელშეკრულებით გათვალისწინებულ პირობებთან;
- 5.1.2 რაიმე ნაკლის აღმოჩენის შემთხვევაში, აცნობოს და მოთხოვოს მიმწოდებელს ნაკლის დაუყოვნებლივ გამოსწორება.
- 5.1.3 მოითხოვოს მიმწოდებელისგან ხელშეკრულების ჯეროვანი, დროული და კეთილსინდისიერი შესრულება.

5.2 შემსყიდველი ვალდებულია:

- 5.2.1 განახორციელოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად.

- 5.2.2 დაიცვას ხელშეკრულებით გათვალისწინებული პირობები.

5.3 მიმწოდებელს უფლება აქვს:

- 5.3.1 მოთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

5.4 მიმწოდებელი ვალდებულია:

- 5.4.1 უზრუნველყოს ხელშეკრულების პირობების შესრულება.
- 5.4.2. შემსყიდველს მიაწოდოს ხარისხიანი შესყიდვის ობიექტი, რომელიც არ გამოავლენს დეფექტებს.
- 5.4.3. შესყიდვის ობიექტის მიწოდების პროცესში არსებული შეფერხების შესახებ აცნობოს შემსყიდველს.
- 5.4.4. შესყიდვის ობიექტის მიწოდების პროცესში რაიმე ნაკლის გამოვლენის შემთხვევაში, უზრუნველყოს მისი გამოსწორება დაუყოვნებლივ, საჭიროების შემთხვევაში გაწიოს საჭირო მომსახურება (ახალი შესყიდვის ობიექტის მიწოდება), შემსყიდველის მხრიდან რაიმე დამატებითი ხარჯების გარეშე.
- 5.4.5. მიმწოდებელი ვალდებულია გამოიყენოს ქარხნული წესით დამზადებული, ადამიანის ჯანმრთელობისა და სიცოცხლისათვის უსაფრთხო, მაღალი ხარისხის ხელსაწყოები და მაღალეფებური პრეპარატები.

6. ანგარიშსწორება

- 6.1 ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით მიმწოდებლის მიერ ფაქტობრივად გაწეული მიწოდებული მომსახურების ღირებულების შესაბამისად.
- 6.2 ანგარიშსწორება მიმწოდებელთან განხორციელდება მომსახურების მიღება-ჩაბარების აქტის გაფორმების საფუძველზე, არაუგვიანეს 10 (ათი) სამუშაო დღის ვადაში.
- 6.3 საქართველოს მოქმედი კანონმდებლობით გათვალისწინებული მიმწოდებლისათვის დადგენილი ყველა გადასახადის გადახდაზე პასუხისმგებელია მიმწოდებელი.

7. ხელშეკრულების ინსპექტირება

- 7.1 შემსყიდველი ახორციელებს კონტროლს ხელშეკრულების შესრულების ნებისმიერ ეტაპზე მიმწოდებლის მიერ ნაკისრი ვალდებულებების შესრულებაზე.
- 7.2 მიმწოდებელმა უნადა უზრუნველყოს შემსყიდველი ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.
- 7.3 ინსპექტირებას ახორციელებს:
- 7.3.1 ქ.თბილისი, სსიპ „საქართველოს ფინანსთა სამინისტროს მომსახურების სააგენტო“-ს ობიექტებზე - გ. გულუას ქNº4 და მუხიანის დასახლება, ბაზა №2 - ინსპექტირების განმახორციელებელ უფლებამოსილ პირებად განისაზღვრონ ადმინისტრაციული სამსახურის უფროსის მოადგილე რევაზ მარგველაშვილი ან/და ადმინისტრაციული სამსახურის ლოჯისტიკის განყოფილების უფროსი ირაკლი კვაჭანტირაძე (შემდგომში ინსპექტირების განმახორციელებელი).
- 7.3.2. ქ.ახალციხე, 9 აპრილის ქუჩის მიმდებარე ტერიტორიაზე მდებარე სსიპ „საქართველოს ფინანსთა სამინისტროს მომსახურების სააგენტო“-ს ობიექტზე ინსპექტირების განმახორციელებელ უფლებამოსილ პირად განისაზღვროს სამცხე-ჯავახეთს რეგიონალური სამმართველოს უფროსი ირაკლი ლაზარაშვილი (შემდგომში ინსპექტირების განმახორციელებელი).

7.3.3. ქ. სამტრედია დ. აღმაშენებლის გამზირი მე–6 ჩიხი სსიპ „საქართველოს ფინანსთა სამინისტროს მომსახურების სააგენტო“-ს ობიექტზე ინსპექტირების განმახორციელებელ უფლებამოსილ პირად განისაზღვროს დასავლეთ საქართველოს რეგიონული სამართველოს უფროსი ვახტანგ ერემეთშვილი (შემდგომში ინსპექტირების განმახორციელებელი).

7.4 ინსპექტირების განმახორციელებლის (ების) ფუნქციებია:

7.4.1 გაუწიოს კონტროლი შესყიდვის ობიექტის მიწოდების ვადების ხელშეკრულების მოთხოვნებთან შესაბამისობის დადგენას.

7.4.2 განახორციელოს კონტროლი მიწოდებული შესყიდვის ობიექტის ხარისხზე, ტექნიკური დავალებით გათვალისწინებული მოთხოვნების შესაბამისობაზე.

7.5 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. შესყიდვის ობიექტის მიღება-ჩაბარების წესი

8.1 შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული შესყიდვის ობიექტის შესაბამისად, რომელიც დასტურდება მხარეების ან მათი წარმომადგენლების (უფლებამოსილი პირების) ხელმოწერებით.

8.2 შემსყიდველის მხრიდან მიღებას ახორციელებს:

8.2.1 ქ.თბილისი, სსიპ „საქართველოს ფინანსთა სამინისტროს მომსახურების სააგენტო“-ს ობიექტზე - გ. გულუას №4 და მუხიანის დასახლება, ბაზა №2 - მომსახურების მიმღებ უფლებამოსილ პირებად განისაზღვრონ ადმინისტრაციული სამსახურის სამსახურის ლოჯისტიკის განყოფილების უფროსი სპეციალისტი გიორგი თარგამაძე ან/და ამავე განყოფილების სპეციალისტი გიორგი კერჭიაშვილი.

8.2.2. ქ.ახალციხე, 9 აპრილის ქუჩის მიმდებარე ტერიტორიაზე მდებარე სსიპ „საქართველოს ფინანსთა სამინისტროს მომსახურების სააგენტო“-ს ობიექტზე მომსახურების მიმღებ უფლებამოსილ პირად განისაზღვროს სამცხე-ჯავახეთის რეგიონალური სამართველოსი მთავარი სპეციალისტი ზაური ჩანლაშვილი.

8.2.3. ქ. სამტრედია დ. აღმაშენებლის გამზირი მე–6 ჩიხი სსიპ „საქართველოს ფინანსთა სამინისტროს მომსახურების სააგენტო“-ს ობიექტზე მომსახურების მიმღებ უფლებამოსილ პირად განისაზღვროს დასავლეთ საქართველოს რეგიონული სამართველოს უფროსი სპეციალისტი მალხაზ დიდავა.

8.3 ხელშეკრულების 5.4 პუნქტის შეუსრულებლობის შემთხვევაში შემსყიდველი უფლებამოსილია უარი განაცხადოს მიღება-ჩაბარების აქტის გაფორმებაზე და მოითხოვოს ხელშეკრულების პირობების შესრულება შემსყიდველის მხრიდან რაიმე დამატებითი ხარჯების გაწევის გარეშე.

9. ხელშეკრულების შეწყვეტა

9.1 შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული მომსახურების ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

9.2 შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ვადაში მიმწოდებელს არ შეუძლია შესყიდვის ობიექტის სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებებით ნაკისრი ვალდებულებების შესრულებას;

დ) მიმწოდებლის მიმართ დაიწყო გადახდისუუნარობის საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

9.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.4 ხელშეკრულების 9.3 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 დღით ადრე წერილობით აცნობოს ამის შესახებ მეორე მხარეს.

10. მხარეთა პასუხისმგებლობა

10.1 ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაკავისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

- 10.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 10.3 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

11. ფორს-მაჟორი

- 11.1 მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.
- 11.2 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისგან.

12. ხელშეკრულებაში ცვლილებების შეტანა

- 12.1 ხელშეკრულებაში ნებისმიერი ცვლილების ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ხელშეკრულების განუყოფელი ნაწილია.
- 12.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13. დავების გადაჭრის წესი

- 13.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 13.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების მოქმედების ვადა

- 14.1 წინამდებარე ხელშეკრულება ძალაში შედის ხელისმოწერისთანავე და ძალაშია 2018 წლის 31 იანვრის ჩათვლით.

15. დასკვნითი დებულებები

- 15.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.
- 15.2 ხელშეკრულება შედგენილია ქართულ ენაზე 3 თანაბარი იურიდიული ძალის მქონე ეგზემპლარად და ინახება მხარეებთან - 2 შემსყიდველთან, 1 მიმწოდებელთან.

16. მხარეთა მისამართები, საბანკო რეკვიზიტები და ხელმოწერები შემსყიდველი:

სსიპ "საქართველოს ფინანსთა სამინისტროს
მომსახურების სააგენტო"
ქ. თბილისი, გულაუს ქ.№ 4

ტელ: (995 32) 2 601 601

საიდენტიფიკაციო კოდი: 205081249

მიმღები: სახლმწიფო ხაზინა

მიმღების დასახლება: ხაზინის ერთიანი ანგარიში
ბანკის კოდი: TRESGE22

მიმღების ანგარიშის სახელი კოდი: 707027501



შპს „დეზინფექციის, დეზინსექციის, დერატიზაციისა და
სტერილიზაციის სპეციალიზირებული
ეპიდზედამხედველობის ცენტრი“

ქ. თბილისი, ა.ყაზბეგის გამზ. 23

ფაქტური: ა.პოლიტკოვსკაიას 8

ტელ: (995 32) 32 39 82 15(17); 599 24 20 99

საიდენტიფიკაციო კოდი: 211 327 410

ბანკის დასახლება მიმღები ბანკი
ბანკის კოდი: GE62VT 7000 0000 5861 3602

S/S: GE62VT 7000 0000 5861 3602



დატერინე ნონიაშვილი

დირექტორი

დანართი

ფასების ცხრილი

№	მისამართი	მომსახურების დასახელება	დასამუშავებ ელი ფართობი (კვ/ტ)	დამუშავების რაოდენობა	ერთეული ფასი (დღგ-ს გარეშე)	საერთო ფასი (დღგ-ს გარეშე)
1	2	3	4	5	6	7
1	ქ. თბილისი, გ. გულუას ქ 4, სსიპ „საქართველოს ფინანსთა სამინისტროს მომსახურების სააგენტოს“ ადმინისტრაციული შენობა	სადერატიზაციო მომსახურება (მღრღნელების განადგურების მიზნით)	1020	7	0,0200	142,80
		სადეზინსექციო მომსახურება (მავნე მწერების განადგურების მიზნით)	1020	5	0,0250	127,50
2	ქ. თბილისი მუხარის დასახლება, სსიპ „საქართველოს ფინანსთა სამინისტროს მომსახურების სააგენტოს“ სასაწყობე მეურნეობა ბაზა #2	სადერატიზაციო მომსახურება (მღრღნელების გასანადგურებელი მომსახურება)	3450	7	0,0200	483,00
		სადეზინსექციო მომსახურება (მავნე მწერების განადგურების მიზნით)	3450	5	0,0250	431,25
		ქვეწარმავლების საწინააღმდეგო ლონისძიებების მომსახურება	4100	5	0,0050	102,50
		გათიბვის მომსახურება (ბალახოვანი მცენარეებისგან გასუფთავების მიზნით)	10000	4	0,0123	492,00
3	ქ. ახალციხე 9 აპრილის ქუჩის მიმდებარე ტერიტორიაზე, მდებარე სსიპ „საქართველოს ფინანსთა სამინისტროს მომსახურების სააგენტოს“ სასაწყობე მეურნეობა	სადერატიზაციო მომსახურება (მღრღნელების განადგურების მიზნით)	1740	7	0,0200	243,60
		სადეზინსექციო მომსახურება (მავნე მწერების განადგურების მიზნით)	1740	5	0,0250	217,50
		ქვეწარმავლების საწინააღმდეგო ლონისძიებების მომსახურება	13000	4	0,0050	260,00
		გათიბვის მომსახურება (ბალახოვანი მცენარეებისგან გასუფთავების მიზნით)	8550	2	0,0123	210,33
4	ქ. სამტრედია დ. აღმაშენებლის გამზირი მე-6 ჩიხი სსიპ „საქართველოს ფინანსთა სამინისტროს მომსახურების სააგენტოს“ სასაწყობე მეურნეობა	სადერატიზაციო მომსახურება (მღრღნელების განადგურების მიზნით)	2300	7	0,0200	322,00
		სადეზინსექციო მომსახურება (მავნე მწერების განადგურების მიზნით)	2300	5	0,0250	287,50
		ქვეწარმავლების საწინააღმდეგო ლონისძიებების მომსახურება	19000	4	0,0050	380,00
სულ ჯამი დღგ-ს გარეშე						3699,98

შემსყიდველი:

მიმწოდებელი:

სსიპ "საქართველოს ფინანსთა სამინისტროს მომსახურების



გიორგი ბრეგვაძე
გენერალური დირექტორი
მოვალეობის შემსრულებელი

შპს „დეზინფექციის, დეზინსექციის, დერატიზაციისა
და სტერილიზაციის საცეცხალოებული
ეპიდზედამხედველობის ცენტრი“

